

सभ्य व भव्य जुयाः वनाच्चंगु यँयाः
आर्थिक कारणं आः जात्रा पर्व न्ह्याकेत थाकू मजू

लहना वाःपौ/यँयाः पर्व सभ्य व
भव्य जुयाः वनाच्चवंगु दु । न्हापा न्हापा
जूसा नेवाःतय् जात्रा पर्वय् आपालं
त्वापु जुइगु याः । तर वंगु भिदैँ निसें
न्त्यवनिसें धायेगु खःसा भीगु यँयाः
जात्रा सभ्य व भव्य जक जुयाच्चवंगु
मखु आर्थिक कारण यानाः जात्रा
यायेत तर्क थाकुल धइगु खँ भीसें म्हो
जक न्यनाच्चवानगु दु । थुनिया मू कारण
खः यँ महानगरपालिका यँयाः इलय्
जात्रा पर्व न्यायेकेत बियाच्चवंगु आर्थिक
ग्वाहालि वा धाये छगु कथं बजेत ।

नहापा नहापा जात्रा पर्व न्यायेकेगु
निर्तिं गुथि संस्थानया ख्वाः स्वयेमाःगु
अवस्था खः । तर उगु इलय् गुथि संस्थां
बीगु म्हो जक ध्यबा यँयाः जक मखु
यँयाःया इवल्य् दुथ्याइगु थीथी गुथियात
तकं आर्थिक रुपं थाक्गु ई खः । तर
यँ महानगरपालिकाय् विद्यासुन्दर शाक्य
मेयर निर्वाचित जुयाः वयेधुनेवं थीथी
जात्रा पर्वयात माकव बजेट तयेगुया लिसें
थीथी बाज खलःयात नं दैय्दसं आर्थिक
ग्वाहालि यानाच्चंगु कारणं यानाः जात्रा
पर्व न्यायेकेगु निर्तिं गुथि संस्थानया ख्वाः
स्वयेमाःगु अवस्था मन्त । अले आर्थिक
रुपं कमजोर जुल धकाः जात्रा पर्व
न्यायेकेत नुगः कयेकूके माःगु अवस्था



नं आः मन्त ।

खः यँयाः जात्राया निरिति
यँ महानगरपालिकाय् विद्यासुन्दर
शाक्य न्ह्याकूगु थज्याःगु ज्यायात
वर्तमान मेयर बालेन साहं नं निरन्तरता
बीगु ज्या च्छाये बहःजू । न्हापा न्हापा
जूसां छ्ह मेयर याःगु ज्यायात न्हू
वइम्ह मेयरं निरन्तरता मबीगु गुगु ज्या
जुयाच्चंगु खः । उकियात त्वाःथलेत
मेयर साह ताः लाःगु दु धइगु खँय् निगू
मत जुइ मखु ।

विद्यासुन्दर शाक्यं श्री श्री गुणिया
छैय् दयेकेगुया निसें उकियात माःगु

आर्थिक ग्वाहालि याना वयाच्चंगु
खःसा वर्तमान मेयर साहं नं उकियात
निरन्तरता बिया वयाच्चंगु दु। थ्व
स्वनिगःया जात्रा पर्व न्यायेकेमाःपिनिगु
नीतिं सुखदु खँ खः ।

नहापा नहापा जात्रा पर्वया इलय्
बाजं थाईपिं तकं मदइगु अवस्था
वयाच्वंगु खःसा यैँ महानगरपालिकाया
ग्वहालि लिपा बाजं थाईपिं अप्वःगु
जक मखु यँयाःया इलय् मुकं जात्रा
हे बाजंमय जुइगु यानाच्वंगु दु । थुकिं
भी ल्याय्मह पुस्तायात थःगु संस्कृति
पुस्तान्तरण यायेगु ज्या जुयाच्वंगु दु ।

थ्व नं छगू कथं लसताया खँ खः ।

खः यैयाः जात्रायाम् इत्युत् आपालं
बाजं खलकं भवति काङ्क्षु जुयाः जात्रा
हे हुलमुल जुङ्गु यानाच्चंगुलिं आः
वयाः उकियात व्यवस्थापन यायेगु ज्या
जुयाच्चंगु दु । गुगु थासय् जात्रा जुङ्गु
खः उगु थाय्या बाजं खलः जक भवति
कायेगु कथं दयेकेगु नियमं यानाः छुछे
जात्राय् जुङ्गु हुलमुलयात म्हो याना
बिउगु दु ।

जात्रा पर्वयात सभ्य व भव्य
यायेगु नितीतं थौं कन्हय् सक्रिय जुयाच्चंगु
थीथी जातीय खेलः पुचः लिसे क्लब

मिसा पुचः आदिया सक्रियतां भीगु
जात्रा पर्व अभ् उल्लासमय जुयाच्चंगु
दु ।

अथे ला जात्राय् वःगु छुं छुं
हिउपाःयात कयाः भचा असन्तोष नं
प्वंकेगु ज्या जुयाच्चंगु दु । तर थ्व पाय्
छि मखु । भीगु जात्रा धङ्गु सकलें
जानाः न्यायेकेगु खः । तर मिसापिसं
रथ सालेगु व मिसापित जक हाथ्वः
हायेकेगु खँयात कयाः गुलिस्त्र्यां
विमति प्वंकेगु यानाच्चंगु दु । थ्व
पाय्छि मखु । थौं संसारय् वयाच्चंगु
हिउपाः कथं भीगु जात्रा पर्वयात नं
उल्लासपूर्ण यायेगु नीतिं मिसापिसं
म्हिताच्चंगु भूमिकायात म्हो यायेगु
ज्या उचित मखु । गथें बाजां थायेत
मिसापिं सक्रिय जुयाच्चंगु दु । उकथं
हे द्यः सालेगु ज्याय् नं मिसापिनिगु
सक्रियतायात भीसं नालाकायेमाः ।

न्हापा न्हापा जूसां कुमारी, भैवर
व गणेद्यःया रथ सालेगु इवलय् खिपः
सुचुकेगु, थवं थवय् ल्वायेगु थेंज्याःगु
ज्या जुयाच्चंगु दु। थज्याःगु ज्या आः
जू हे मजू धाःसां जिउ। अज्याःगु ज्या
दिकेगु निंतिं क्लबतय्सं बियाच्चंगु
स्वयम् सेवकया ज्यायात नं भीसं कदर
यायेमाःगु आवश्यकता थौं जुयाच्चंगु दु।

जग्गा खरिद गर्दा ध्यान दिनुपर्ने कुराहरु:

- बिक्रेता वास्तविक हो/होईन, निजको हक भोग छ/छैन प्रष्ट होऔं,
- कित्ताको मोठ श्रेस्ता, फोटो र तीनपुस्ते ठिक भए नभएको एकिन गरौं,
- कुनै अड्डा अदालत वा अन्य कुनै कार्यालयमा रोक्का वा भगडा भए/नभएको बारेमा प्रष्ट होऔं,
- जग्गा र नक्सामा वाटो छ/छैन एकिन गरौं,
- जग्गाको हकभोग अनुसार आकार प्रकार मिले/नमिलेको एकिन गरौं,
- जग्गा रैकर वा गुठी के हो प्रष्ट होऔं,
- जग्गामा मोही भए/नभएको प्रष्ट होऔं,
- लालपूर्जा, जमिन र नक्साको क्षेत्रफल मिल्छ/मिल्दैन एकीन गरौं,
- सिमानामा विवाद भए/नभएको साँध संधियारवाट बुझौं,
- नक्सा बमोजिमको जमिनमा चारैतर्फ सिमाना एकीन गर्न रेखाङ्कन गराएर मात्र खरिद बिक्री गरौं ।



नेपाल सरकार विज्ञापन बोर्ड

सांस्कृतिक सहर समृद्ध महानगर

यँया: नख: ११४५ या भित्तुना



सांस्कृतिक सहर यँया म्हसीका

यँयाः नखःया लसताय् सकल नेपाःमिपिन्त

भित्तना देहानाचवना ।



विनोद कुमार राजभण्डारी

અધ્યક્ષ

काठमाडौं महानगरपालिका २४ वडा

संयोजक

हनुमानढोका दरवार क्षेत्र संरक्षण समिति



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्य लुइ कर्प च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



इम्बोस्ट नम्बर तयेगुलिं बिचाः यायेमाः

सरकारी निकायपाखें बीगु सेवा अःपुक व याउँक जुइमाः । सेवाग्राहीयात असुविधा महसुस याके मज्य, तर गुलिखे सरकारी निकायपाखें बियाच्चंगु सेवा धाःसा अःपुगु खनेमदु । विशेष यानाः सेवाग्राहीतय्के यातायात ज्याकुथिं बियाच्चंगु सेवा दुःख फय् मालाच्चंगु दु । डाइभिङ्ग लाइसेन्सया खँ ल्हायेगु खःसा अथे दुःख जुयाच्चंगु दु । निर्दे स्वर्दे न्ह्यः सवारी चालक अनुमतिपत्र परीक्षा पास याःसा नं सवारी चालक अनुमतिपत्र कायेखंगु मदुनि । सवारी कर पुलेत वनेगु इलय् नं यक्व हे दुःख सह यायेमाःगु अवस्था दु । सेवा प्राप्तकर्तातय्के अनलाइनपाखें अःपुक कर पुलेगु अवसर गबले दइ धइगु जायज गुनासो दु । मत व टेलिफोनया बिल अनलाइनपाखें पुलेफइ । थज्याःगु ज्या मोबाइलपाखें हे यायेफइ, तर यातायातय् आःतक न दुःख हे जुयाच्चंगु । आः थपे जूगु दु इम्बोस्ट नम्बर । सवारी साधनय् तयातःगु उच्च प्रविधिया सुरक्षित नम्बर प्लेटया नां इम्बोस्ट नम्बर खः । थुगु नम्बरया निंतिं थ्यंमथ्यं छगू दशकनिसँ कुतः जुयाच्चंगु दु । न्यार्देनिसँ क्वमचाःगु थ्व ज्या असोज १ निसँ अनिवार्य जुइगु धाःगु दुसा थ्व जानकारीं सेवाग्राहीत स्तब्ध जूगु दु ।

यातायात क्षेत्र प्रदेश सरकारया नियन्त्रणय् दु । न्ह्यगू प्रदेशया फुक्क यातायात ज्याकुथिइ इम्बोस्ट नम्बर प्लेटया माग दु, तर यैस्थित यातायात व्यवस्था विभागं नम्बर प्लेट उपलब्ध याकाच्चंगु दु । ज्याकुथिइ थाय्या अभाव जुयाच्चंगु दु । थ्व नम्बर कायेगु थःथम्हं हे छगू भन्भक्त खः । अझ ला ताःहाकःगु लैपु न्यासि वनेमाः । सेवाग्राहीपिसं अःपुक हे थ्व नम्बर काइगु खनेमदु । ताः ई तक पियाच्चनेमाली । ईयात गथे यानाः व्यवस्थापन यायेगु ? असोज १ गते तक स्ववाः तक ल्यं मदुनि । राजधानी उपत्यकाय् नं अःपु मजू । यैय् निचाः घःचाःया निंतिं गुर्जुधारा, प्यचाःया निंतिं एकान्तकुना व टेक्या सवारी परीक्षण ज्याकु तोकेयाःगु दु । भौतिक पूर्वाधार तथा यातायात मन्त्रालयय् मन्त्री देवेन्द्र दाहालया अध्यक्षताय् श्रावण २० गते च्वंगु विषयगत समितिया बैठक २०८२ असोज १ गतेनिसँ इम्बोस्ट नम्बर प्लेट अनिवार्य यायेगु निर्णय याःगु खः । इम्बोस्ट नम्बर प्लेट उत्पादन यायेगु कुतः पुलांगु हे खः । सन् २०७३ य् प्यर्दया दुने २५ लाख इम्बोस्ट नम्बर वितरण यायेगु कथं ४ अर्ब ६७ करोडया सम्भौता जूगु खः । २०८० मंसिर तक २५ लाख नम्बर प्लेट जडान यायेगु सम्भौता जूगु खः । आःतक थ्यंमथ्यं ८८ हजार नम्बर प्लेट जक जडान याःगु दु ।

थौकन्हय् विभागय् १६ लाख स्वयां अप्वः प्लेट ल्यं दनि । छुं नं ज्या कार्यान्वयन यायेबलय् सरकारी संरचना पूर्वक तयार जुइमाः । सेवा काइपितं दुःख बी मज्य । इम्बोस्ट नम्बर जारी यानाः राजस्व अप्वयेकेगु नं आज्जु जुइफु । सरकारं उचित प्रक्रिया सहितया आवश्यक तयारी पूर्वक मफयाः कर संकलन अनिवार्य याःगुलिं सफल जुइत थाकगु सेवाग्राहीपिनिगु गुनासोयात मेकथं धाये फइगु अवस्था मदु । इम्बोस्ट नम्बर काःपिसं नं थःगु सवारी साधनय् उगु नम्बर जडान याये फयाच्चंगु मदुनि । सवारी साधनय् इमित जडान यायेत अःपु मज्जनि । प्राविधिक समस्या वःगु दु । प्रक्रियायात सहज यायेगु व न्ह्यःने वनेत छुं ई बीगुया विकल्प मदु । सेवा काइपिसं इम्बोस्ट नम्बर कायेबलय् असहज महसुस यायेमज्य ।

श्री हल्चोक आकाश भैरव



नृपेन्द्रलाल श्रेष्ठ

नेवाःतय्सं हनिगु तःजिगु नखः कथं इन्द्रजात्रा नेवाःतय्सं यँयाः धायेगु याइ । थुगु यँयाः नखः यँ जक मखु ख्वपः, यल नापं दोलखाय् च्वपि नेवाःतय्सं नं तःजिक हनेगु याना वयाच्चंगु दु । अथेहे किपू थक्वाः, फम्पि, लुभु, थैव व प्यांगामय् न नखः हनेगु याः । थौकन्हय् यँयाः अन्तर पिष्टय नखः जूगु दु । जःलाखला देय् भारतया सिकिमय् नेवाःतय्सं विशेष नखः कथं सिकिम प्रान्तीय सरकार राजकीय सम्मान कथं सरकार बिदा हे बियाः हनेगु याइ । अन कुमारीया रथ तकं सालेगु याइ । थथे बेलायत व अमेरिकाय् च्वपि नेवाःतय्सं न थुगु नखः तःजिक हनेगु याना हय्धुकूगु दु ।

अथे हे ख्वपय् पुलुकिसि जात्रा यायेगु याइसा यलय् पुर्णचण्डी घःया थाय् भुजा नामय् पुजा याइ । छमुरी जा याःगु साढे २ फिट तम्बःगु भिनिक्वः भुजा तयाः पुजा यायेगु याइ । अथे हे च्यासलय् भ्याल्वा प्याखं क्यनेगु याइ । थुगु प्याखं जुजु श्रीनिवास मल्लं न्ह्याकूगु धकाः धायेगु याइ ।

‘इन्द्रजात्रा’ यँयाः छगू इलय् दक्वं जात्रा न्ह्याःगु धकाः धायेमछिं । यँ शासनयापिसं थःगु अनुकूल कथं जात्रा थप यानाः यंकूगु इतिहासय् दु । कुमारी घःया रथ सालेगु जुजु जयप्रकाश मल्लं याःगु धइगु इतिहासय् दु । जुजु प्रतापसिंह शाहया पालय् यःसि थंगु, रणबहादुर शाहया इलय् श्वेत भैरव स्थापना यानाः हाथु हाकेगु धइगु इतिहासय् दु । ज्याथाया कुम्हातय्सं न्हापा खःप्याखं क्यनेगु यानाच्चंगु खःसा उगु प्याखं दिनावने धुकूगु दु ।

जलाथ्व द्वादशी हनुमानध्वाखाय् यःसिं थन कि यँयाः औपचारिक कथं न्ह्याइ । यँयाः इलय् हलिमय् जीवित घः कथं कयातःम्ह श्री कुमारी माजु, श्री गणेद्यः व श्री भैलःघःया रथ यात्रा स्वनुर्यकं जुइगु खः । उकिया नापनापं पुलुकिसि, लाखे, दीप्याखं, महाकाली प्याखं व श्री हल्चोक आकाश भैरव घःया जात्रा नं खः । नेवाः समुदाय दुने हल्चोकय् च्वपि पुतुवार समुदायपिसं यँयाःबलय् याइगु जात्रा खः श्री हल्चोक आकाश भैरव जात्रा । श्री हल्चोक आकाश भैरवयात यँय् च्वपिसं सवः घः नाप सवःभक्कु नं धाय्गु याः । आकाश भैरव नापं चण्डी व कुमारी यानाः स्वम्ह घः दइ ।

श्री हल्चोक आकाश भैरवया जात्रा गबलें निसँ न्ह्याःगु खः धकाः ठोस प्रमाण मदुसां नं नेपाल सम्वत १०७ इलय् जुजु गुणकामदेवं न्ह्याकूगु धइगु अनुमान दु । जुजु गुणकामदेवयात महालक्ष्मी द्यवं दर्शन ब्यूगु खः ।

घःया उजं कथं थःगु राज्ययात शत्रुया भयपाखे मुक्त यायेत हल्चोकय् श्री आकाश भैरव सहित थीथी घःत तान्त्रिक बिधिपाखे उत्पन्न याःगु धइगु बंशावलीइ च्वयातःगु दु । जुजु गुणकामदेवं यँय् रक्षा याय्गु निंतिं प्यखेर अष्टमातुका स्थापना यानाः थीथी थासय् भैरव नं स्थापना याःगु किंबदन्ति दु । हल्चोक आकाश भैरवया भिनिर्दया जात्रा धाःसा जुजु अमर मल्लं न्ह्याकूगु धइगु बंशावलीइ न्ह्यथनातःगु दु ।

नेवाःतसे माने याइगु पञ्चतत्व मध्ये छगू वायु नं खः । श्री हल्चोक आकाश भैरव घःयात वायु कथं नं काय्गु याः । आः नं सुंयात फसं कयाः समस्या वलधाःसा हल्चोकय् वयाः पुजा यायेगु यानाच्चंगु दु । नेपाःया राजकीय सम्मान कथं प्याखं ल्हुइकेगु छगू हल्चोकया आकाश भैरव नं खः । न्हापान्हापा जुजुपिसं दिगु घः कथं हल्चोक आकाश भैरव घःया पुजा नं याः ।

यँयाःबलय् पिहां बिज्याइपिं हल्चोक आकाश भैरवनापं चण्डी व कुमारी यानाः स्वम्ह घःपि खः । यँयाःबलय् हल्चोक आकाश भैरव जात्रा जुइ न्ह्यः जलाथ्व पारु कुन्हु स्वम्ह घः श्री हल्चोक आकाश भैरव, चण्डी व कुमारीया ख्वाःपाः



मांसगल्लिइ चित्रकारया थाय् हइ । लैपु छायेगु ज्या क्वचाय्काः जलाथ्व एकादश कुन्हु चित्रकारपाखे बिर्धि व त पुजा यानाः

गुथियारया नायःयात ख्वाःपाः लःल्हाइ । चित्रकारया थासं लितयंकेगु इवलय् लीयागु पिचाय् (छगू कथंया सन्दूक) तयाः कुबियाः न्ह्यःने चिलाख च्याकाः हल्चोकय् हे लितयंकी ।

जलाथ्व एकादश कुन्हु हल्चोकया घःछँ न्ह्यःने छगू विशेष पुजा जुइ । अन भिनिर्दे जात्राया घःपिनिगु

ख्वाःपाः भिम्ह घः श्री हल्चोक आकाश भैरव, चण्डी, कुमारी, पार्वती, गंगा, महाद्यः, बाराही, आकाशदेवी, दक्षिणकाली व महाकालीया ख्वाःपाःया विशेष पुजा जुइ ।

उगु पुजाय् गुथिया नायःपाखे न्हापा पुजा यानाः अन लिपा मेपिसं पुजा याइ । गुथिपाखें बां स्याय्गु लिपा पुजा क्वचाइ । पुजा लिपा अन यँयाः कुन्हु घः जुइपिनिगु ख्वाःपाः व लंमपुसे प्याखं ल्हुइगु रिहर्सल जुइ ।

जलाथ्व द्वादश कुन्हु गुथियारपिसं हल्चोकय् घःछँय् मुनाः स्वम्ह घः चण्डी, कुमारी व हल्चोक आकाश भैरव घःपिनिगु ख्वाःपाः व लं छाः सन्दुकय् तयाः अननिसे कुबिया हयाः यँया काय्गःननि दुने छखा छँय् यँयाः जःछि अनं हे जात्राय् घः पिहां बिज्याइ । तर थुगु काय्गःननिइ गथे यानाः थन घः लाः वल धइगु न्ह्यथनातःगु मदु ।

श्री आकाश भैरव घःया वँचुगु ख्वाःपाः, वँचुगु जामालिसँ ल्हातय् खड्ग दइसा चण्डी व कुमारीपिनि ह्याउँगु ख्वाःपाः व ह्याउँगु जामा फिनाः पिहां बिज्याइ । काय्गःननिइ घः पिहां बिज्याइ बलय् दकलय् न्हापां चिलाख दइसा अनलिपा चण्डी, कुमारी व हल्चोक आकाश भैरव धुंकाः बाजं पिहांवइ । घः पिहां बिज्याय् धुंकाः दकलय् न्हापा उगु ननिइ घःप्याखं ल्हुइ न्ह्यः घः ल्हाय्माः । घः ल्हाय्गु इलय् स्वम्हं घःप्याखं हुली । अन लिपा चण्डी व कुमारी निम्ह घः प्याखं हुलीसा लिपा भैरव याकचाः प्याखं हुली । वयां लिपा छचाः चाःहिलाः हाकनं काय्गःननिइ हे वयाः क्वचाय् की । क्वचायेकीगु इलय् नं घः ल्हाइगु खः । न्हापा न्हापा श्री हल्चोक आकाश भैरव घःयात यँयाः जात्राया भवलय् हनुमानध्वाकाया नासः चुकय् मेय् बिइगु नं याः । २०४६ साल लिपा मेय् बिइगु धाःसा बन्द जूगु दु ।

यँयाःया लिपागु दिं जलागा तृतिया कुन्हु काय्गःननिइ हे घः पिहांवयाः छचाः चाःहिलाः हाकनं लिहां वइ । उगु दिनय् उगु छँथुवाःपाखें स्वम्ह घःयात विशेष पुजा यानाः बिदा बी । जात्राया लिपांगु न्हिं लिहां वय्गु इलय् स्वम्ह घःपिनिगु ख्वाःपाः व लै पुनाः हे लिहां बिज्याइ । लिहा बिज्याइगु इलय् पुजा काकां हल्चोकया घःछँय् वइ । घःछँय् पुजारी लसकुस यानाः स्वम्ह घःपितं दुकाय् धुंकाः जात्रा औपचारिक कथं क्वचाइ ।

घः प्याखं हुलीगु इवलय् चण्डी व कुमारी निम्ह छक्कलं प्याखं हुलीसा श्री हल्चोक आकाश भैरव याकःचा प्याखं हुलीगु खः । बाजं कथं खिं छाः व झ्यालि निगू दइ । बाजंया ताल भिन्नाले सिन्तांग्या बोलय् बाजं थाइ ।

यँयाः या इलय् ल्हुइकीगु खपया महांकाल प्याखं आः गबलय् ल्हुइकी ?



प्रशान्त माली

श्व थाय् मेगु थाय् मखु विश्व सम्पदाया धखल्य लानाच्चंगु हनुमानध्वारखा दरबार क्षेत्रय् मापदण्ड अःखः दयेकूगु तत्कालीन जिल्ला प्रहरी परिसरया भवन खः । २०७२ सालया तःभुखाय् लिपा परिसुर टेकुइ च्वंवंगु खः । दरबार क्षेत्रया विशाल कालभैरव घःया पश्चिमपाखे निपित्या रोपनी जग्गाय् न्यनाच्चंगु प्रहरी परिसर भवन दुगु क्षेत्रय् सन् १९३४ तक स्वतजाःगु सतः दुगु खः । वि.सं. १९९० सालया भुखाचं सतः दुना वनेवं पुनर्निर्माण मजुल । २०१५ सालय् प्रहरी भवन दयेकल । वयां लिपा सांस्कृतिक गतिविधि जुइगु त्वःतूगु खँ हनुमानध्वारखा दरबार क्षेत्रया तलेजुया पुजारी उद्धव कर्मचार्य कनादी ।

यँयाः इलय् खपया महांकाल प्याखं क्यनीगु दबू म्हासे यानाः स्वाहाने दयेकातःगु दु । लिच्छवीकालीन जुजुया दुजःपिं मन्त धाःसा थःथितिया आत्माया शान्तिया कामना यानाः दिप प्रज्वलन याइगु थासय् स्वतजाःगु कंक्रीटया छँ दयेकातःगु दु । यँयाःया इलय् बाजं थायेगु, जनबहाः घःया रथ यात्राया इवलये मत बीगु व धार्मिक गतिविधि जुइगु थासय् ध्वारखा व पःखाः ग्वयातःगु दु ।

श्व थाय् मेगु थाय् मखु विश्व सम्पदाया धखल्य लानाच्चंगु हनुमानध्वारखा दरबार क्षेत्रय् मापदण्ड अःखः दयेकूगु तत्कालीन जिल्ला प्रहरी परिसरया भवन खः । २०७२ सालया तःभुखाय् लिपा परिसुर टेकुइ च्वंवंगु खः ।

दरबार क्षेत्रया विशाल कालभैरव घःया पश्चिमपाखे निपित्या रोपनी जग्गाय् न्यनाच्चंगु प्रहरी परिसर भवन दुगु क्षेत्रय् सन् १९३४ तक स्वतजाःगु सतः दुगु खः । वि.सं. १९९० सालया भुखाचं सतः दुना वनेवं पुनर्निर्माण मजुल । २०१५ सालय् प्रहरी भवन दयेकल । वयां लिपा सांस्कृतिक गतिविधि जुइगु त्वःतूगु खँ हनुमानध्वारखा दरबार क्षेत्रया तलेजुया पुजारी उद्धव कर्मचार्य कनादी ।

थौकन्हय् ह्याउंगु स्टिकर तिकातःगु उगु भवन सम्पदा क्षेत्रयात कुरूप जक दयेकूगु मखु । भवन दुनाः मानवीय दुर्घटना जुइ फइगु जोखिम नं दु । अथेखःसां नं भुखाय् ब्वःगु भिदै दयेधुकूसां नं भवन थुनेत गृह मन्त्रालयं चिउताः क्यनाच्चंगु मदसा संस्कृति मन्त्रालयं नं वास्ता यानाच्चंगु मखु । सम्पदा अभियन्तातय्सं प्रहरीया जीर्ण भवन थुनाः पुलांगु हे स्वरूपय् हयेत सः थ्वयेका वयाच्चंगु नं आपालं ई दयेधुकूगु दु ।

दथुइ छकः भवन थुनेगु धाःसां नं आः तक थुनेगु सुरसार धाःसा मखु । थुकिया दथुइ अभियन्तातय्सं तत्कालीन उपप्रधान लिसे गृहमन्त्री नारायणकाजी श्रेष्ठ, संस्कृति पर्यटन मन्त्री सुदन किरातीयात उगु भवन थुनाः पुलांगु हे स्वरूपय् हयेत ध्यानाकर्षण याकूगु खः । २०८० साल भदौ महिनाय् तत्कालीन प्रहरी महानिरीक्षक



हनुमानध्वारखा दरबार क्षेत्रय् दुगु तत्कालीन काठमाडौं जिल्ला प्रहरी परिसरया भवन दुगु क्षेत्रय् सन् १९३४ न्हयः खनेदुगु स्वतजाःगु सतः (ह्याउंगु घेराय्) । फोटो सौजन्यः हनुमान ढोका दरबार हेरचाह अड्डा ।

वसन्तबहादुर कुँवरं भवनया निरीक्षण याःगु खः । फुकस्यां आश्वासन बिल तर हनुमानध्वारखा दरबार क्षेत्रया प्रतिष्ठा ल्यंकेगु ज्याय् वेवास्ता याना वयाच्चंगु द्वपं अभियन्तातय्सं बियाच्चंगु दु ।

सम्पदा अभियन्तातय्सं धायेगु यानाच्चंगु दु, 'विश्वव्यापक पर्यटक भ्रमणय् वइगु दरबार क्षेत्रय् उगु भवनं सम्पदायात गिजे यानाच्चंगु दु ।

थुनाः पुलांगु हे स्वरूपय् हयेत सरोकारवाला निकाययात पटकपटक मौखिक लिखित जानकारी याकेधुन । तर, आश्वासन बाहेक छुं दुगु मखु ।

अभियन्तातये कथं न्याय मूर्तिया रूपय् माने याइम्ह कालभैरवयात साक्षी तयाः न्याय बीगु प्रचलन कथं थौं स्वयां ६५ दै न्हयः दरबार क्षेत्रय् प्रहरी भवन तःगु खः । 'तर, आः मनोरञ्जन कायेत वईपिं, भजनकृतन जुइगु थासय् ल्हातय् हतकडी तयेकाः मनूतयेत वये वनी याकेगु व प्रहरीया हातहतियार

गोली गड्डा लिसे रासनया सामान गाडी हयेगु यंकेगु यानाच्चंगुलिं दरबार क्षेत्रय् शोभनीय जुयाच्चंगु मखु । अभियन्ता धाल, 'प्रहरी भवन थुनाः न्हापाया हे अवस्थाय् लित हये फतधाःसा दरबार क्षेत्रया शोभा अप्ठइ ।' जनतायात विश्व सम्पदा प्रति अपनत्व ब्वलंकेत व सम्पदा संरक्षणया चेतना ब्वलंकेत प्रहरी, पुरातत्व विभागलगायत फुककं जानाः भवन थुनेमाः ।

भवन थुनाः पुलांगु हे स्वरूपय् हयेफत धाःसा हनुमानध्वारखा दरबार क्षेत्रया मूर्त व अमूर्त संस्कृति सम्पदा संरक्षण प्रवर्द्धन जुइगु खँ नं अभियन्तातय्सं धायेगु यानाच्चंगु दु । उमिगु कथं पुलांगु हे स्वरूपय् हये फतधाःसा पर्यटन अप्ठइगुया लिसे राजश्व वृद्धि अप्ठइगु व नेपाःया इतिहासय् निगूगु तःधंगु हत्याकाण्ड कोत पर्व क्षेत्र नं सर्वसाधारण अपुक स्वयेफइ ।

हनुमानध्वारखा दरबार हेरचाह अड्डाया कार्यकारीतय्सं धाःसा उगु प्रहरी भवन गृह मन्त्रालय मातहत जूगुलिं दरबार हेरचाह अड्डां तप्यंक थुने मफइगु खँ धायेगु यानाच्चंगु दु । इलय् हे थुने मफइगु अवस्थाय मानवीय क्षति जुइफइगु सम्भवन नं हेरचाह अड्डाया कर्मचारीतय्सं स्वीकार यानाच्चंगु दु ।

पुरातत्व विभागया अधिकारीतय्सं नं उगु प्रहरी भवन प्राचीक स्मारक संरक्षण ऐन अःखः जूगु खँ धयाच्चंगु दु । लोप जुइधुकूगु अमूर्त संस्कृति सम्पदा नं हाकनं सञ्चालनय् हयेमाःगु खँ नं वय्कःपिसं धायेगु यानाच्चंगु दु ।

यँ महानगरपालिकाया अधिकारीतय्सं नं युनेस्को सुचीकृत क्षेत्रय् आधुनिक भवन दयेके मजिउगु पक्षय् दु ।

राम प्रजापति
प्रोप्राइटर

हारती मिठाई भण्डार
(इच्छा शाकाहारी)

कालिमाटी चोक, टंकरवर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

यँयाः नखः ११४५ या भित्तुना

यँयाः नखःया लसताय् सकल नेपाःमिपिन्त भित्तुना देह्रसें यँयाः नखः तःजिक हनेत थःथःगु थासं सकसितं ग्वाहालि यायेत इनाप यानाच्चना ।

गौतम रत्न शाक्य
नायः

इन्द्रजात्रा व्यवस्थापन समिति

इन्द्र, दागिं व यंकीदः



श्रीकृष्ण महर्जन नेवाः

यै देय्या मौलिक नखः यैयाः खः । थ्व अमुर्त संस्कृति खः । थुगु अमुर्त संस्कृति यै देय्या हे म्हसीका जुया वनाच्चंगु दु । थीथी देशय् वनाच्चपिसं तर्क अन थःथःगु कथं यैयाः न्यायेकेगु याना हःगु खने दु । यैयाः नाप स्वाःगु थीथी कथंया विषययात दुथ्याका थीथी कथं न्यंक बाखंत दु । न्यंक बाखं कथं स्वर्गय् इन्द्रया मांयात अपसं च्वनेगु नितीं पालिजाः स्वां माःगु अले यैया मरु सतः लागाय् वया पालिजाः स्वां इन्द्र खुया काःगु जुयाः ज्वनाः चिनातःगु खः धाइ ।

थ्व हे बाखंया आधारय् इन्द्रजात्रा सुरु जूगु कथं नालातःगु दु । यैयाः मू आकर्षण धइगु कुमारी, भैरव व गणेशया रथ जात्रा खःसां नं मेमेगु कथंया यक्व हे गतिविधि नं जुयाच्चंगु दु । यैयाः नाप स्वापू दुगु इन्द्र, इन्द्रया मां, यंकीदः अर्थात इन्द्र दहया तसकं महत्वपूर्ण खः । यंकीदः इन्द्र व दागिं नाप स्वापू धइगु मदये धुंक्पीं नाप स्वापू दुगु विषय खः ।

दागिं वनीगु

दागिं धइम्ह इन्द्रया मां खः धाइ । स्वर्गया जुजु इन्द्र थः मांया नितीं पालिजाः स्वां यै देशय् वयाः काःवःगु इलय् नेवाःतय्सं ज्वनाः चिनातःगु अले इन्द्रयात मालेत वया मां दागिं

यैय् वःगु खः धाइ । स्वर्गय् च्वम्ह इन्द्रया मां हे दागिंया रुपय् वःगुलिं थः मदये धुंक्पीं मनूतय्त अर्थात पितृतय्त नं स्वर्गय् यंकेमाः धकाः दागिंया लिउलिउ वनीगु खः धाइ । उकियात हे दागिं वनेगु धाइ । दागिं धकाः इन्द्रया मां लांसिया रुप कयाः वःगु खः धाइ । यैयाःया इवल्य् क्वनेयाः कुन्हु रथ जात्रा क्वचायेवं दागिं पिहां वइ । दागिं जुयाः पिहां वइम्ह मनुखं तुतिइ घंघला न्ह्यायेगु याइ । उकियात वायु न्ह्यायेगु धाइ । जब वायु न्ह्याइ अबलेनिसें दागिं जूम्हेस्यां सुयात नं न्ववाये मजिउ ।

दागिं गुथिपाखें यैयाःया क्वःनेयाःया दिनय् बहनि दागिं पिथनीगु याइ । वसः पुना ख्वाःपाः पुयाः यैया मरु ख्वासपाखाय् च्वंगु छःछैं नं दागिं पिहां वइ । दागिंया ख्वाःपाः व दागिं जुइम्हेसित विधिविधान कथं क्वथाय् तयाः पुजाआजा याना मरूत्वाःया लुंकुफःया दागिं आगं छैं नं पिथनेगु याना वयाच्चंगु दु । सुथनिसें नीसि याना च्वनीम्ह दागिं जुइम्हेसित वायु न्ह्याये न्ह्यः दागिं नाप नाप वये मफुपिसं सुथनिसें हे पुजा बिउवनी ।

दागिं पिथनेया नितीं दागिं आगं छैयां मुलुखाय् पालाया नकिंपाखें लसकुस पुजाआजा याइ । दागिं जुयाः पिहां वयेवं

दागिंयात पिखालखुइ पुजा याइ । जवखं लहाः ज्वनाः न्हापां थःने लाग्ना चाःहिली ।

तुयुगु ख्वाःपाः पुयाः दागिं पिहां वइगु इलय् लैय् स्वयाः वनीमखु स्वर्गपाखे हे स्वयाः वनीसा छैंजः मदुपिं मनूत अर्थात बर्खि च्वनाच्चपिं मनूत दागिंया लं कचा ज्वना वं वइत वं वइत ज्वना सकले छस्वाः जुयाः वनी । दागिं वनीपिसं छैंजः मदुपिसं गुता बीबः लैय् ह वला दागिं नाप नाप थःने व क्वने चाःहिलेगु याइ । अले मरुइ भुतिसतः लागाय् त्वःता मरु हितिइ ख्वाः लिसेगु याइ । च्वकिजा ह्वला वनी अर्थात गुता बीबः ह्वला वनीगु ।

दागिं वनीगु इलय् दकलय् न्ह्यःने मरुया किसानत अर्थात मरुया ज्यापुतय्गु तग्वःगु धिमे नापं धुन्या वनी, वयां लिउलिउ दागिं वनीसा दागिं नापनापं दच्छिया दुने मदुपिनि छैंजःपिं च्वकिजा ह्वलाः वनी । दागिं जुया वनीगु इलय् वायु न्ह्यासांनिसें छकः छकः चाइगु अले छकः छकः मचाया वनी । दागिं जुयाच्चंतले हे अज्वःगु अनुभव याःपिं नं दु ।

दागिं वनीगु इलय् लाखे, सवःभकु, पुलुकिसि जक मखु बौ मत तर्क नापलाके मजिउ धाइ । दागिं थःने चाःहिलाः क्वनेपाखे वनीगु इलय् साय्मिमतय्सं बौमत थःने न्ह्याकी ।

लिपा हाकनं क्वःने वनी । बौ मत दागिं नाप नाप वीपिं सुं नं त्वःफि माः वनेगु खः धकाः धाइ । द क्वचाये धुनेवं सामान्यतयाः यै पूर्वपाखे स्वयाच्चंगु ल्वहं हिति सिलेगु, म्वःलुइगु याइ । व हिति धइगु यंकीदः अर्थात इन्द्र दह लः खः धकाः धाइ ।

यंकी दः अर्थात इन्द्र दह थक्वातं उत्तरपाखे, भिमदुं नैकापं पश्चिमापाखे व नाग च्वंगु गुंच्चय् च्वंगु छगू थाय् पृथ्वीनारायण शाहया फौजं किपु याःगु इलय् किपूमितय्सं स्थान पाण्डेयात ल्हाकूगु थाय् धयातः लाःगु धार्मिक तिर्थ स्थल धइगु

थौकन्हय् चन्द्रागिरी नगर १ लागाय् लाःगु यैयाः दागिं नाप तिर्थस्थलया रुपय् नालातःगु पुख अर्थात इन्द्र दह खः ।

यंकीदः लागं च्वय् पशि भंगः हिति दु । भंगःया म्हुतुं लः हिति जुयाः हे भंगः हिति धाः च्वय् लाःगु यंकीदः लागाय् छगू

सांस्कृतिक सहर समृद्ध महानगर

यैयाः नखः ११४५ या भित्तुना

सांस्कृतिक सहर यैया म्हसीका

यैयाः नखःया लसताय् सकल नेपाःमिपिन्त भित्तुना देछानाच्चवना ।

भरतलाल श्रेष्ठ

अध्यक्ष

काठमाडौं महानगरपालिका

१ वडा परिवार



सांस्कृतिक सहर समृद्ध महानगर

यैयाः नखः ११४५ या भित्तुना

सांस्कृतिक सहर यैया म्हसीका

यैयाः नखःया लसताय् सकल नेपाःमिपिन्त भित्तुना देछानाच्चवना ।

आशामान संगत

अध्यक्ष, काठमाडौं महानगरपालिका ट वडा

संयोजक, इन्द्रजात्रा मूल समारोह समिति

संयोजक, सम्पदा तथा पर्यटन समिति



सांस्कृतिक सहर समृद्ध महानगर

यैयाः नखः ११४५ या भित्तुना

सांस्कृतिक सहर यैया म्हसीका

यैयाः नखःया लसताय् सकल नेपाःमिपिन्त भित्तुना देछानाच्चवना ।

रोजिना श्रेष्ठ

अध्यक्ष

काठमाडौं महानगरपालिका

१६ वडा परिवार



सांस्कृतिक सहर समृद्ध महानगर

यैयाः नखः ११४५ या भित्तुना

सांस्कृतिक सहर यैया म्हसीका

यैयाः नखःया लसताय् सकल नेपाःमिपिन्त भित्तुना देछानाच्चवना ।

नविन मानन्धर

प्रवक्ता लिसें अध्यक्ष

काठमाडौं महानगरपालिका

१७ वडा परिवार



सांस्कृतिक सहर समृद्ध महानगर

यैयाः नखः ११४५ या भित्तुना

सांस्कृतिक सहर यैया म्हसीका

यैयाः नखःया लसताय् सकल नेपाःमिपिन्त भित्तुना देछानाच्चवना ।

उदय चुडामणि बज्राचार्य

अध्यक्ष

काठमाडौं महानगरपालिका

२१ वडा परिवार



सांस्कृतिक सहर समृद्ध महानगर

यैयाः नखः ११४५ या भित्तुना

सांस्कृतिक सहर यैया म्हसीका

यैयाः नखःया लसताय् सकल नेपाःमिपिन्त भित्तुना देछानाच्चवना ।

मचाराजा महर्जन

अध्यक्ष

काठमाडौं महानगरपालिका

२३ वडा परिवार



मी । बौ मत वनीगु धइगु
नं त्वःफिगु दु ला धकाः
धाइ । दागिं वनेगु ज्या
तयाः यैया मरु हितिया
वहं हितिया लखं ख्वाः
। व हितिं वयाच्चंगु लः
इन्द्र दहपाखें वयाच्चंगु

इन्द्र दह
वे, भिमदुंगां दक्षिणपाखे,
व नागदुंगां पूर्वपाखे
छू थाय् खः यँकिदः ।
कौजं किपुलिइ आक्रमण
सं स्याना बिउम्ह कालु
य् धयातःगु थाय् लिक्क
ल धइगु इन्द्र दह खः ।
गरी नगरपालिका वडा नं
दागिं नाप स्वापू दुगु छू
गातःगु पुखू धइगु यँकिदः

च्चय् पश्चिम उत्तरपाखे
म्हुतुं लः पिहां वयाच्चंगु
हेति धाःगु खः । तसकं
गाय् छू पुखू दयेकातःगु



दु । पुखू लिक्क निगः ल्वहंयागु देगः दु ।

पुखुलिइ दागिं वना वःपिं मनूत म्वः
लहुइगु खः । न्हापा यँकीदः वनेगु निंतिं लँ
क्यनेत फय्खा, रामकोट, भिमदुंगां लागायापिं
साय्मिमतय्सं लँय् लँय् हे चिलाख अर्थात
मूस्याः थें जुइक च्याकाः लँ क्यनातइगु खः ।
यँकीदः तक वनेगु धइगु स्वर्ग वनेगु अन्तिम

विन्दुइ तक वनीगु कथं नालातःगु दु । यँकीदः
लागां हे इन्द्रया मां दागिं स्वर्ग वनी धाइ ।

अन तक थः पितृत वयाच्चनीगु अन
पितृत अर्थात मदये धुकूपिं वया च्वनीगु जुयाः
नापलायेगु थाय् कथं नं नालातःगु दु । उकिं
यँकीदः धइगु पितृ व मनूत दथुइ नापलाइगु थाय्
खः धाइ । चान्हय् यँकी दः थ्यनीगु इलय् तसकं

खसु वयाच्चनी । खसु नापनापं हे पितृत अर्थात
मदये धुकूपिं मनूत वयाच्चनी धाइ ।

अन च्वना पितृतलिसे सहलह
ब्याकेगु नापनापं थः पितृतय्त स्वर्गय् यँकी
धकाः दागिंयात इनाप यायेगु थाय् कथं हे यँकी
दःयात नालातःगु दु । यँकीदः अर्थात इन्द्र दह
वना म्वःलहुइ धुकाः न्हापा न्हापा थक्वाःपाखे

कुहां वइ । न्यातिं धाःगु खुसि दु । व खुसिइ
म्वःलहुइमाःगु चलन दु । व न्यातिंचा धइगु
पञ्चतत्व ल्वाक ज्यानाच्चंगु लः वइगु खुसि
धाइ ।

न्यातिंचाय् म्हो ल्हुलकि मनूत भंगः
जन्म कायेमाली मखु धाइ । अभ् विशेष याना
दलाबि जन्म काये मालीमखु धइगु मान्यता
दु । न्यातिंचा धुकाः यँकीदः अर्थात इन्द्र दह
नाप हे स्वापू दुगु इमाख्यलय् वइ । इमाख्यलय्
इमा गणेद्यः दु । इमाः गणेद्यः धइम्हेसित इन्द्र
विनायक धाइ । इन्द्र विनायक धइगु इन्द्र नाप
स्वापू दुम्ह गणेद्यः धाइ ।

यँकीदः अर्थात इन्द्र दह वना वःपिं व
हे इन्द्र विनायक द्यःयात भागि यानाः जक
छैय् लिहां वनेमाः धाइगु मान्यता दु । थनी
नीन्यादै न्हयःनिसें दिनाच्चंगु यँकी दः अर्थात
इन्द्र दह वनीगु ज्या थुगुसी संस्थागत रुपं हे
वनेगु तयारी यानाच्चंगु दु । उकिया निंतिं दागिं
गुथिपाखें व्यवस्थापन यानाच्चंगु दु । ताःई तक
दिनाच्चंगु यँकी दः वनीगु चलन थुगुसीनिसें सुरु
यायेत्यंगु बांलाःगु खँ ला अवश्य नं खत थ्व
नाप नापं यँयाःवा व यँकीदः अर्थात इन्द्र दह
नापया स्वापू व मेमेगु खँयात नं माला वनेमाःगु
आवश्यकता दु ।

सांस्कृतिक सहर समृद्ध महानगर

यँयाः नखः ११४५ या भितुना

सांस्कृतिक सहर यँया म्हसीका
यँयाः नखःया लसताय् सकल नेपाःमिपिन्त
भितुना देछानाच्चवना ।

बालकृष्ण महर्जन
अध्यक्ष
काठमाडौं महानगरपालिका
१२ वडा परिवार

सांस्कृतिक सहर समृद्ध महानगर

यँयाः नखः ११४५ या भितुना

सांस्कृतिक सहर यँया म्हसीका
यँयाः नखःया लसताय् सकल नेपाःमिपिन्त
भितुना देछानाच्चवना ।

ईश्वर मान डंगोल
अध्यक्ष
काठमाडौं महानगरपालिका
१५ वडा परिवार

सांस्कृतिक सहर समृद्ध महानगर

यँयाः नखः ११४५ या भितुना

सांस्कृतिक सहर यँया म्हसीका
यँयाः नखःया लसताय् सकल नेपाःमिपिन्त
भितुना देछानाच्चवना ।

राजेश कुमार श्रेष्ठ
अध्यक्ष
काठमाडौं महानगरपालिका
१५ वडा परिवार

सांस्कृतिक सहर समृद्ध महानगर

यँयाः नखः ११४५ या भितुना

सांस्कृतिक सहर यँया म्हसीका
यँयाः नखःया लसताय् सकल नेपाःमिपिन्त
भितुना देछानाच्चवना ।

राजेन्द्र मानन्धर
अध्यक्ष
काठमाडौं महानगरपालिका
२० वडा परिवार

सांस्कृतिक सहर समृद्ध महानगर

यँयाः नखः ११४५ या भितुना

सांस्कृतिक सहर यँया म्हसीका
यँयाः नखःया लसताय् सकल नेपाःमिपिन्त
भितुना देछानाच्चवना ।

राजेश डंगोल
अध्यक्ष
काठमाडौं महानगरपालिका
२५ वडा परिवार

सांस्कृतिक सहर समृद्ध महानगर

यँयाः नखः ११४५ या भितुना

सांस्कृतिक सहर यँया म्हसीका
यँयाः नखःया लसताय् सकल नेपाःमिपिन्त
भितुना देछानाच्चवना ।

योगेश कुमार खड्गी
अध्यक्ष
काठमाडौं महानगरपालिका
२७ वडा परिवार

यँया: बल्य् धिमे भुस्या थाइपिं शार्दुलजंग गुल्मया बाखं



सहयोग रजित

राणा प्रधानमन्त्री किसि

गया: रथजात्राय् ब्वति

काइगु खः । रथ

जात्रा क्वचायेधुंका:

हनुमानध्वाखाय्

सिंहासन

आरोहण जुइगु खँ नं

डा. मानन्धरं कनादी ।

रथ जात्रा क्वचायेधुंका:

राजगद्दी हइसा उकी

राजदण्ड तइ । उकिया

उपलक्ष्यय् शार्दुल जग

गुल्मं बन्दुक पड्के

याना: बधाई बीगु खँ नं

डा. मानन्धरं कनादी ।

२००७ सालय्

प्रजातन्त्र वयेधुंका:

धा:सा विजेय परेड

खारेज यात ।

नेपा:मिया म्हसिका धइगु हे
भीगु संस्कृति व सभ्यता खः । आदि
बुद्ध पवित्र या:गु भीगु देय् थीथी
जनजातिया लोकसंस्कृति जायाच्वंगु
दु । थुकथं हे सेना फुक्कं जनजातिया
प्रतिनिधित्व याइ कथं सांस्कृतिक ज्या
यना वयाच्वंगु खः ।

देउदा हाला: जुइमा: कि
नेवा: म्ये हाला: जुइमा: नेपाली सेना
नागरिकयात अपनत्व महसुस याकेगु
ज्या यानाच्वंगु दु । आधुनिक युगय्
संस्कृति ल्व:मना वनाच्वंगु समाजयात
वहे मौलिक संस्कृति ल्यका: क्यनेगु
साहस सेना या:गु दु ।

नेपाली सेना थ:गु थापना
कालनिसें हे देय्या रक्षाया निसं नेपा:या
संस्कृति संरक्षण याना वयाच्वंगु दु ।
मेगु देशय् स्वयां बिस्कं नेपाली सेना
नागरिक लिसे सांस्कृतिक सम्बन्ध
स्थापित या:गु दु ।

शार्दुलजंग गुल्मं वहे सम्बन्धयात
थप विकसित यायेगु कुत: या:गु दु ।
लिपांगु इलय् गुरुज्यूया पल्टनं नेवा:
समुदाय दथुइ लोकह्वा:गु धिमे भुस्या
थायेगु यानाच्वंगुलिं कोर क्षेत्र सेनायात
स्वयेगु दृष्टिकोणय् सकारात्मक
हिउपा: व:गु दु । उकथं हे लिपांगु इलय्
श्री शार्दुलजंग गुल्मं नागरिक व सेना
दथुइ सम्बन्ध प्रगाढ यायेगु तांया ज्या
यानाच्वंगु दु धा:सां मपा: ।

जुजु गीर्वाणयुद्ध विक्रम शाहया
शासन कालय् श्री शार्दुलजंग कम्पनी
स्थापना जूगु खः । वि.स. १८५६
स्थापना जूगु सैन्य टुकडीयात लिपा
श्री शार्दुलजंग गुल्म धायेगु यात । थुगु
सैन्य टुकडीं सन् १८१४ निसे १८१६
तक नेपाल अंग्रेज युद्धय् जैथक रण
क्षेत्रय् विरताया लिसे युद्ध ल्वा:गु खः ।
थुगु गुल्म थौंकन्हय् हनुमानध्वाखा
दरबार क्षेत्र दुने च्वनाच्वंगु दु । देय्
या सरक्षाय् खटे जुइगुया लिसें गुल्मया
बिस्कं सांस्कृतिक महत्व नं दु ।
विशेष याना: स्वनिगलय् न्यायेकीगु
जात्रा पर्व व राष्ट्रिय समारोहय् थुगु
गुल्मया प्रतिनिधित्व अनिवार्य धइथें
जुयाच्वंगु दु ।

जुजु पृथ्वीनारायण शाहं
यँया:या इलय् यँ देय्यात त्याकेधुंका:
हनुमानध्वाखाय् 'विजुली गारत' पल्टन
थापना या:गु खः । उकिया मू जिम्मेवारी
राजदरबार व जुजु खल:पिनि सुरक्षा



खः । अथे जुया: थ्व पल्टन जुजुया
तकसं विश्वास दुगु सैन्य पल्टन
खः । सुरक्षाया लिसें थुगु पल्टनयात
सांस्कृतिक पर्वय् नं खटे यायेगु चलन
पृथ्वीनारायण शाहया इलनिसें न्ह्या:गु
खः ।

इतिहासविद् लिसे लुम्बिनी बौद्ध
विश्वविद्यालयया पुलांमह उपकुलपति
डा. त्रिरत्न मानन्धरया कथं यँ जुइगु
जात्रा पर्वय् जुजुया प्रतिनिधित्व
यायेगु थ्व पल्टनया विशेषत खः ।
यँ विजय लिसे पृथ्वीनारायण शाहं
म्वा:मह द्य: कुमारीयात भागी याना:
रथ जात्रायात निरन्तरता बिउगु खः ।
उगु रथ लिसें शाहं न्हापां सुरक्षाया
निर्ति धासें गोरखाली सैन्य पोसाकय्
सैन्य पल्टन नं परिचालन या:गु खः ।
लिपा वसन्तपुलिइ दुगु थ्वहे पल्टनयात
गीर्वाणयुद्धया इलय् श्री शार्दुल जंग
कम्पनी दयेकूगु खः ।

अथेजुया: श्री शार्दुल जंग गुल्म
सांस्कृतिक ज्याय् ग्वाहालि यायेत
खटे या:गु सैन्य पल्टन जूगु खँ नं डा.
मानन्धरं कनादी ।

मानन्धरया कथं पृथ्वीनारायण
शाहं यँ त्याकेधुंका: यँया: इलय् विजय
परेड न्ह्याकूगु खः । रथ जात्रा लिसे
जुइगु थुगु परेडया नेतृत्व उगु हे बिजुली
गारतं याइगु खः । तिनिख्यलय् नं थुगु
गारतं कबाज प्रदर्शन याइगु खः ।

यँ देय्यात त्याकेधुंका:
अर्थात यँया:या क्वनेया:य् जुजुपिं

हे उपस्थित जुइगु खः । राणाकालय्
तकं थ्व परम्परा कायम जुयाच्वंगु
खः । राणा प्रधानमन्त्री किसि गया:
रथजात्राय् ब्वति काइगु खः । रथ
जात्रा क्वचायेधुंका: हनुमानध्वाखाय्
सिंहासन आरोहण जुइगु खँ नं डा.
मानन्धरं कनादी ।

रथ जात्रा क्वचायेधुंका: राजगद्दी
हइसा उकी राजदण्ड तइ । उकिया
उपलक्ष्यय् शार्दुल जग गुल्मं बन्दुक
पड्के याना: बधाई बीगु खँ नं डा.
मानन्धरं कनादी । २००७ सालय्
प्रजातन्त्र वयेधुंका: धा:सा विजेय परेड
खारेज यात । २००८ सालय् रोयल
म्याजेटय् विजेय परेड अन्त्य जूगु
घोषणा या:गु खः ।

पृथ्वीनारायण शाहया ई लिपा नं
न्ह्यानाच्वंगु विजेय परेड व सिंहासन
आरोहण उत्सव २००८ साल लिपा
अन्त्य जूसां नं जात्राया निर्ति मा:गु
ज्या यायेगु निर्ति शार्दुल जंग गुल्म
धा:सा वसन्तपुलिइ हे च्वनाच्वन ।
व निरन्तर रुपय् रथजात्राय् दुथ्याना
वयाच्वंगु दु । विसं १९०९ लिपा थुगु
सैन्य पल्टनयात बडागुरुज्यूया सुरक्षा व
रेखदेशय् नं तैनाथ या:गु खः । गुकिया
कारण जनस्तरय् थुकियात गुरुज्यूया
पल्टन नं धायेगु यात ।

गबलें धिमे थात
२०७७ सालय् गुल्मपति
जुयाच्वंमह विकाश शाक्यलिसेया
समन्वयय् उगु दैय्गुल्मय् ज्यायानाच्वं

बानादारतय् धिमे व भुस्या स्यंगु
खः । न्हापांखुसी भिम्हेसित प्रतिक्रिया
बिउगु खः । यँया:या अवसरय् धिमे
थायेगु आज्जु तयात:गु खः । तर
कोरोना महामारीया कारणं उगु आज्जु
सफल जुइ मफुत । तर, जनबहा:
द्य:या जात्रा व होली व:गु संकेत कथं
हनुमानध्वाखाय् चीर स्वाइगु इलय्
न्हापांखुसी गुरुज्यूया पल्टनं धिमे भुस्या
था:गु खः ।

२०७८ सालया यँया:या इलय्
धा:सा गुल्मपति असिम श्रेष्ठया
नेतृत्वय् दुगु गुरुज्यूया पल्टनं जात्रा
ज्व:सि धिमे व भुस्या था:गु खः । सेनां
न्हापांखुसी धिमे व भुस्या था:गु खना:
स्थानीपपाखे बाला:गु प्रतिक्रिया व:गु
खँ कनादी तत्कालीन गुल्मपति मेजर
असिम श्रेष्ठ । वय्क:या हे समन्वयय्
सुदन मुनीकारं उगु दैय् नीम्हेसिया
पुच:यात धिमे प्रशिक्षण बिउगु खः ।
रथया लिउ लिउ धिमे थानाच्वंगु टोली
खनेवं स्थानीयय् अपनत्व महसुस या:गु
खँ श्रेष्ठ कनादी । नेवा: म्येया लिसे
लिसे धिमे व भुस्या थाना वयाच्वं
टुकडीयात प्रोत्साहन या:गु खँ नं वय्
कलं कनादिल ।

यँया:या इलय् धिमे व भुस्या
थायेगु ज्या २०७९ निसें आ: तक नं
निरन्तरता कयाच्वंगु दु । व आ: वया:
थ्व यँया:या अभिन्न अंग जूगु दु । थुगु
गुल्मं नागरिक लिसे सेनाया प्रत्यक्ष
सम्बन्ध स्थापित या:गु दु ।

हरेक मंगलवा:

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

माला: माला: ब्वनादिसँ ।

यँया: नख: ११४५ या भित्तुना



यँया: नख:या लसताय्

सकल नेपा:मिपिन्त

भित्तुना देहानाच्वना ।

मा. बसन्त मानन्धर

बागमती प्रदेशसभा सदस्य

काठमाडौं क्षेत्र नं. ७ (क)

पचली भैरव भजनया सच्छिदैँ



लहना वाःपौ/श्री पचली भैरव संचालन जूगु सच्छिदैँ क्यंगु लसताय् छगू तःजिगु ज्याइवः जूगु दु ।

ज्याइवलय् पचली भैरवद्यःयाथाय् भजनयात निरन्तर न्ह्याकेत २५ दं मल्याक योगदान बियादीपिं, १२ व २१ वडाया जनप्रतिनिधिपिं व थीथी भजन खलःयात हनेज्या याःगु खः । यें महानगरपालिकाया उपमेयर सुनिता

डंगोलया मूपाहाँसुइ व यें मनपा १२ वडाया वडा अध्यक्ष बालकृष्ण महर्जनया विशेष पाहाँकथं भयादीगु खः ।

ज्याइवलय् नुगःखँ तयादिसें मूपाहाँ सुनिता डंगोलं छुं नं ज्याइवः दच्छिनिदैँ निरन्तर न्ह्याकेत हे थाकुयाच्वंगु थौंया अवस्थाय् सच्छिदैँतक निरन्तर भजन संचालन यायेगु धइगु ख्याःखँ मखुगु

धयादिसें वय्कलं भजनयात निरन्तर न्ह्याकेत ग्वाहालि यानादीपिं सकसितं सुभाय् देछानादिन ।

नापं वय्कलं थुगु भजन खलःयात यें महानगरपालिकापाखें माःकथं ग्वाहालि यायेगु प्रतिबद्धत नं प्वकादिल ।

श्री पचली भैरव भजन संचालन समाजया संरक्षक गोपालकृष्ण श्रेष्ठया सभानायःसुइ ज्याइवः जूगु खः ।

समाजया नायः श्रीकृष्ण महर्जनं लसकुस यासें न्ह्याकूगु ज्याइवलय् समाजलिसें सानेपा ज्ञानमाला भजन खलः, भाइराम पासा पुचः मयलबारी, श्री कुलेश्वर बुद्ध विहार भजन खलःपाखें भजन न्ह्यब्वःगु खः ।

ज्याइवलय् विशेष पाहाँ १२ वडा अध्यक्ष बालकृष्ण महर्जनं थःपिनि लागाय् पचली भैरवया भजनयात निरन्तर न्ह्याकेत ग्वाहालि यायेगु बचं बियादिल ।

यँयाःया लसताय् ‘लाखे आजु’



लहना वाःपौ/यँयाः पुन्ही ११४५ तःजिक हनेत पहिको युवा क्लबया ग्वसालय् लाखे आजु संकिपा क्यनेज्या जूगु दु ।

आशिष्मा नकर्मि व सोहित मानन्धरया मूभूमिका दुगु संकिपाय् मदनकृष्ण श्रेष्ठया विशेष भूमिका दुसा मदनदास श्रेष्ठ, सविन शाक्य, नगिना जोशी, गणेशराम लाछि, राजेन्द्रमान शाक्य व अन्नपूर्णेश्वरी श्रेष्ठया अभिनय दु ।

आशिष्मा नकर्मि, प्रदिप कुमार

उदाय, नरेन्द्र महर्जन व दीपक महर्जनं दय्कूगु संकिपा वितरण गोपालकाजी कायस्थं यानादीगु खः । बीके फिल्मस् या ब्यानरय् दय्कूगु संकिपाया च्चिम व निर्देशन आर्यम नकर्मि यानादीगु खः ।

भाद्र १२ गते बिहीवाः यँया नयाँबसपार्कय् च्वंगु लोत्से मलय् जूगु संकिपा स्वयेत ख्यालिजुजु मदनकृष्ण श्रेष्ठ, वरिष्ठ कलाकार मदनदास श्रेष्ठलिसें संकिपालिसे सम्बद्ध व्यक्तित्वपिनि नं ब्वति दुगु खः ।

नेपालभाषा सञ्चारकःमिपिन्त हन



लहना वाःपौ/ जापानय् च्वनादीम्ह सुनिल कुमार शाक्यया कुतलं नीस्वनात्यंगु नेवाः तयेगु अन्तर्राष्ट्रीयस्तरया संस्था नेवाः एकता अभियानपाखें छत्रपाटी पार्टी प्यालेसय् जूगु ज्याइवलय् नेपालभाषाया सञ्चार माध्यम, नेपालभाषा चिनाखँ धेर्धेबल्ला कासाय् ब्वति काःपिं व युवा उद्यमिपिंत सम्मान लिसें सुभाय् देछागु दु ।

ज्याइवलय् मूपाहाँकथं वागमती प्रदेशया पुलाम्हे मन्त्री एवं सभासद हरिप्रभा खड्गी श्रेष्ठं सुभाय् पौ लःल्हानादीगु खःसा नेपालभाषा एकेडेमिया चान्सलर मल्ल के. सुन्दरं खादागा न्ययेकादीगु खः । नापं अभियानया आर्थिक कवःया कजि सुनिल कुमार शाक्यं दां लःल्हानादीगु खः ।

‘नेवाः मुक्ति आन्दोलन अभं पूवंगु मदुनी’ – शशि श्रेष्ठ

लहना वाःपौ/नेवाःतयगु हकहित, अधिकार व भविष्यया नेवाः आन्दोलनया मुद्दाय् सहलह यानाः नेवाः राष्ट्रिय मुक्ति मोर्चा न्हापांगु यें महानगर सम्मेलन क्वचागु दु ।

सम्मेलनं ज्योति बज्राचार्यया नेतृत्वय् मोर्चाया ज्यासना पुचः ल्यसें नेवाः मुक्ति आन्दोलनयात अभं संगठित व योजनाबद्ध ढंगं न्ह्यःने यंकेगु घोषणा याःगु दु ।

सम्मेलनं न्वकुखय् न्हुच्छे कृष्ण श्रेष्ठ, किरण महर्जन र निर्मला सिं डंगोल, छ्याञ्जेय् गोपाल महर्जन, दांभरि पदय् मिन्दुरत्न बज्राचार्य, ल्यूछ्याञ्जेय् कृष्णलाल नकर्मि व ल्यूदांभरिइ सिता श्रेष्ठ निर्वाचित जूगु दु । अथे हे सचिवालय दुजः पदय् ज्ञानेन्द्र महर्जन व बसन्त श्रेष्ठ निर्वाचित जूगु दुसा ३३ म्ह मोर्चा महानगर कार्यसमिति दुजः ल्यःगु दु ।

सम्मेलनया उलेज्या यासें माओवादी केन्द्रया स्थायी समिति दुजःलिसें पूर्वमन्त्री शशि श्रेष्ठ नेवाःतयगु राजनीतिक, सांस्कृतिक व आर्थिक मुक्तिया संघर्ष अभं पूमवनिगु न्ह्यथसें धयादिल “नेवाः समाजय् समाजवादया भ्रुण अभं ल्यनाच्वंगु व उकिंयात म्हसिकाः समाजवादया आधार दयेकेगु थौंया चुनौति जूगु वाःचायेकेमाःगु दु ।”

सम्मेलनय् बागमती प्रदेश सरकारी कामकाजया भाषा ऐन २०८० कार्यान्वयनय् नेतृत्वदायी भूमिका म्हितादीम्ह बागमती प्रदेशया पूर्व संस्कृति, पर्यटन तथा सहकारी मन्त्री शैलेन्द्रमान बज्राचार्ययात विशेष सम्मान यात ।

सम्मेलनया उलेज्या सत्र ग्वसाः खलःया कजि धर्मदेव महर्जनया नायोसुइ जूगु खः ।

यँयाः नखः ११४५ या भित्तुना



यँयाः नखःया लसताय् सकल नेपाःमिपिन्त भित्तुना देछानाच्वना ।



रुपेन्द्रराज शाक्य

वडा अध्यक्ष

यल महानगरपालिका वडा नं. ६

हलिं नेवाः दबू नेपाः देय् मूकवःया हथाय्गु सुचं

हलिं नेवाः दबू नेपाः देय् मूकवः (World Newah Organization Nepal Chapter) या स्वक्वःगु नेवाः तःमुँज्या (3th Newah Convention) वइगु ने.सं. ११४५ यंलागाः षष्ठी (भाद्र २८ गते) यँया जगत सुन्दर ब्वनेकुथिइ जुइत्यंगु जूगुलिं उगु तःमुँज्याय् ब्वति काय्त् दबूया सकल दुजःपिसं थ्वहे यंलाथ्व त्रयोदशी (भाद्र २० गते) दुने दुजः न्हूधाः यानादीत इनाप यानाच्वना । दबूया सकल जःपिन्सं थुगु सुचंयात हे आधिकारिक ब्वना भाःपियाः थप जानकारीया निरिति स्वापू तयादीत इनाप यानाच्वना ।



विस्तृत जानकारीया निरिति स्वापू :

९८५१०९९४७२, ९८४००७४७०७, ९८५१०३३६४२, ९८४१२५७६३३,

९८४१३३०५७७, ९८५१०२७५८३, ९८४१२२२२८७, ९८४१२७६४५२

थाय् : खुसिबही, यें । स्वापू ई : सनिलया ४ निसें ७ ताःतक

[illegible]

उपलब्ध हुने सामानहरू



ठंडाकृत प्याकिङ मेसिन

डेरी, मासु, बेकरी उद्योगका लागि चाहिने उपकरणहरू, प्याकिङ मेसिन, प्याकिङ मेटेरियलहरू, विविध केमिकलहरू तथा विविध औद्योगिक उपकरणहरू



कस्तुबाइन मिल



ऑटोमेटिक क्लिक प्रबलमाइजर जेट सेवली उपकरणहरू सहित

मिल्क क्यान



घनिष्ट भ्याट कलक मिल्क सुन्तर



श्रेष्ठ ट्रेड मेडिया

सी एल भवन, १३ टर्केश्वर (खड्गी जलो विष्णुमति पुलसँगै), काठमाडौं । फोन : ९३७०६८८/९३७६३३२/९८३१०८८१२२
 Email: laltc@wlink.com.np, lal265shrestha@gmail.com, laltc@hotmail.com
 A House of Dairy Equipment & Chemicals
 राम्रा डेरी उद्योग सञ्चालन गर्न आवश्यक प्राविधिक तथा आर्थिक सल्लाह

यँया: नख: ११४५ या भिंतुना



राजु महर्जन
९८५१०२०८७६

नयाँ बजार मल्टी भेन्सू

आउटडोर क्याटरिङ्गका साथै विभिन्न
सुविधा सञ्चालन
प्रशस्त पार्किङ्ग क्षमता भएको ।

धारा मल्ली, नयाँबजार
फोन नं. ४-५६१३७२

डिजे हल सञ्चालन हल तथा डिजे हलको छुट्टै व्यवस्था भएको

सुमतिवाह, व्रतवन्ध, अन्नप्राशन, निमरधारोहण तथा सन्त-सन्तारोह
सेमिनार, मेहारी भोज एवं विविध कार्यक्रमको लागि हार्दिक स्वागत